



TOSHKENT DAVLAT YURIDIK UNIVERSITETI REKTORINING B U Y R U G ' I

27.09.2023

539-tm-son

Xorijiy ta'lim muassasasida o'qishni davom ettirish to'g'risida

O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 11-bandi va O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomga hamda Toshkent davlat yuridik universiteti (keyingi o'rinlarda – TDYU) va Polsha Respublikasi Adam Mickiewicz universiteti, TDYU va Polsha Respublikasi Gdansk universiteti o'rtasida tuzilgan kelishuvlarga hamda Slovakiya Respublikasining talabalar, PhD tadqiqotchilar va professor-o'qituvchilar almashinuvi bo'yicha milliy stipendiya dasturi asosida taqdim etilgan Slovakiya Respublikasi Comenius universitetining yo'llanma xatiga asosan, shuningdek talabalar Aytekov Mamanbiy Muratbay Uli, Qo'chqorova Guzal Rovshanbek qizi, Choriyeva A'lo Choriyevna, Baxtiborov Bunyod Bahodir o'g'li, Shomurodov Ma'rufjon Maxmudjon o'g'li, Ravshanov Abdulaziz Karim o'g'li, Janturayev Abdulaziz Abdumalik o'g'li va Yulmurodov O'ralbek Asliddin o'g'li (keyingi o'rinlarda – xalqaro akademik mobillik dasturida ishtirok etayotgan talabalar)larning arizalariga muvofiq

B U Y U R A M A N:

1. TDYU Ommaviy huquq fakulteti Davlat boshqaruvi yo'nalishi 2-kurs to'lov-kontrakt asosida o'quvchi talabasi Aytekov Mamanbiy Muratbay Uli, Ommaviy huquq fakulteti Davlat-huquqiy yo'nalishi 2-kurs to'lov-kontrakt asosida o'quvchi talabasi Qo'chqorova Guzal Rovshanbek qiziga Polsha Respublikasi Adam Mickiewicz universitetida 2023/2024-o'quv yilining birinchi semestri davomida 2023-yil 2-oktabrdan 2024-yil 19-fevralgacha akademik almashinuvi dasturi bo'yicha o'qishini davom ettirishga ruxsat berilsin.

2. TDYU Ommaviy huquq fakulteti Davlat-huquqiy yo'nalishi 4-kurs

to'lov-kontrakt asosida o'quvchi talabalari Choriyeva A'lo Choriyevna, Baxtiborov Bunyod Bahodir o'g'li va Shomurodov Ma'rufjon Maxmudjon o'g'liga Polsha Respublikasi Gdansk universitetida yurisprudensiya yo'nalishi bo'yicha 2023/2024-o'quv yilining birinchi semestri davomida 2023-yil 30-sentabrdan 2024-yil 12-fevralgacha akademik almashinuvi dasturi bo'yicha o'qishini davom ettirishga ruxsat berilsin.

3. TDYU Ommaviy huquq fakulteti Davlat-huquqiy yo'nalishi 4-kurs to'lov-kontrakt asosida o'quvchi talabalari Janturayev Abdulaziz Abdumalik o'g'li, Yulmurodov O'ralbek Asliddin o'g'li hamda Davlat-huquqiy yo'nalishi 3-kurs to'lov-kontrakt asosida o'quvchi talaba Ravshanov Abdulaziz Karim o'g'liga Slovakiya Respublikasining Comenius universitetida yurisprudensiya yo'nalishi bo'yicha 2023/2024-o'quv yilining birinchi semestri davomida 2023-yil 18-sentabrdan 2024-yil 16-fevralgacha akademik almashinuvi dasturi bo'yicha o'qishini davom ettirishga ruxsat berilsin.

4. Xalqaro hamkorlik boshqarmasi va Ommaviy huquq fakulteti dekanati (Sh.Saydullayev) xalqaro akademik mobillik dasturida ishtirok etayotgan talabalarning akademik almashinuviga oid ma'lumotlarni yuritish, monitoring va tahlil qilib borilishini ta'minlasin.

5. O'quv-uslubiy boshqarma (Registrator ofisi) (S.Bozarov) xalqaro akademik mobillik dasturida ishtirok etayotgan talabalarning xorijiy oliy ta'lim muassasasida o'qigan davri va o'zlashtirgan fanlarini tasdiqlovchi xorijiy oliy ta'lim muassasasining ma'lumotnomasi taqdim etilgandan so'ng, mazkur talabalarning universitet o'quv rejasi va dasturlarining tegishli qismlarini o'zlashtirgan deb topish masalasini universitet Kengashiga kiritilishini ta'minlasin.

6. Ommaviy huquq fakulteti dekanati (Sh.Saydullayev) xalqaro akademik mobillik dasturida ishtirok etayotgan talabalarning shaxsiy yig'ma jildiga mazkur buyruq nusxasi tikilishini ta'minlasin.

7. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Kelishildi:

Boshqarma boshlig'i

S.BOZAROV



Bosh mutaxassis

B.UZOQOV



Bosh buxgalter

M.PARPIYEV



Katta yuriskonsult

A.TURSUNOV



Bo'lim boshlig'i

I.RO'ZIBAYEV

